



Jase e fetogile



Sodi Sibiya





Hunadi o na le jase.

Jase ya Hunadi ke ye tala.

Jase ye e a mo pata.





Hunadi o rata jase ye kudu. Hunadi o godile,
jase ga e sa mo lekana.



Hunadi o ja di sa wele.

Hunadi o a balabala ka gore jase e a mo pata.





Hunadi a leka go konopela jase.

Dikonope di wela fase.

Joo! Hunadi o godile.



Hunadi o goga jase ka fase.

Puu! Hunadi o a wa.

Jase ga e gogege.





Hunadi o a gakanega.

Jase e a mo pata.

Hunadi o godile.



Hunadi o lapile, o hemela godimo.

Hunadi o dula fase a naba maoto.

Hunadi a bea jase godimo ga maoto.





Hunadi o a nagana.

Ohoo! A gopola gape.

A gopola go fetola jase go ba sekhethe.



Hunadi a ripa mo, a sega mola.

A rokelela mo, a rokelela mola.

A nata mo, a nata mola.





Bona, jase yela ke sekhethe.

A rokelela dikonope.

Hunadi a se lebelela, a se rata.



Agee! Sekhethe se a mo lekana!

Hunadi a humana a humile.

A humile pelo le moya.

